

漢名臣傳

卅一下

庫文閣内		
三八	二三〇五	漢
函	一〇	書
四	册	號
架	册	料

庫文閣内		
二九	二	漢

内閣文庫	
番號	漢 2305
冊數	160 (158)
函號	290 43



曹詠

曹秀先江西新建人乾隆元年進士改庶吉士散館授編修時恭修

世宗憲皇帝夏修秀先充纂修官兼經史館

校勘六年丁父憂九年服闋補原官充山東

鄉試副考官十年遷浙江道監祭御史尋請

假回籍十七年仍補原官八月秀先胞姪舉

人曹詠祖與監試御史蔡田交通關節事發

時田詠祖俱正法部議曹秀先應革職

諭曰曹秀先與曹詠祖交通關節之事經王

真名臣傳 卷三十一

大臣等審明並不知情且搜獲時卽認係伊姪筆跡據寔舉出尙無大咎但伊姪在京賓緣作僣不能約束教訓失察之罪寔所應得曹秀先加恩免其革職著降二級留任十八年近畿蝗生秀先疏請御製祭文頒發郡縣有蝗敬謹膳黃祭告乃稽古典舉蜡祭文州縣僱募捕蝗錢糧令同城教職佐雜會同給發並嚴飭不得假手吏胥致滋混冒

諭曰曹秀先請頒發祭文所見甚爲迂謬蝗蝻害稼惟當寔力扑捕此人事所可盡至於祈神保賽禮亦宜之若欲假文詞以期感格如唐韓愈祭鱷魚其鱷魚之遠徙與否究亦無稽未必非好事者流附會其說朕非有泰山北斗之文筆似此好名無寔之舉深所弗取所請不必行餘著議奏尋議蜡祭不必行餘如所請十九年轉刑科給事中二十一年丁母憂二十五年服闋補吏科給事中巡視

南城二十七年擢鴻臚寺少卿二十八年遷
光祿寺少卿二十九年遷通政使叅議三十
年擢國子監祭酒充浙江鄉試正考官尋視
江蘇學政三十二年擢內閣學士三十三年
遷工部右侍郎留學政任三十四年六月
命赴浙江會同巡撫承德審長與縣監生李
公麟控庫書陳維商等私加火工飯食一案
分別治罪如律十月充

經筵講官三十五年調戶部右侍郎兼理工

部右侍郎事尋調吏部右侍郎充江南鄉試

正考官三十六年扈

駕東巡

遣祭尹吉甫墓請

御製詩表其墓

許之尋

命祭告東嶽及少昊金天氏諸陵暨

闕里三十八年充四庫全書館副總裁三十

九年進所輯山莊正雅集

御製詩賜之卽以爲序

詩曰憶年十二始來斯

聖祖恩深最受

知豈意肯堂肩仔已恒勤養

志色難思惟滋夕惕朝乾勵却匪風吟月弄

爲哀輯事成懃正雅那更表語頌淨規八月

充順天鄉試正考官十二月晉禮部尙書四

十二年

尙書房行走

賜紫禁城騎馬四十二年

命在尙書房摠師傅上行走四十三年以隨

同尙書永貴指名保題主事李淑芳議革職

詔從寬留任四十四年五月扈

蹕熱河

召見奏請建承德府學並頒發書籍

允之四十五年三月充會試正考官四月偕

考官尙書德保等奏言會試向例房官闕卷

止迴避本省自戊戌科改分南北兩項尋以

多寡不均奏明通融辦理臣等伏思此例一行以一人迴避八九省關中臨時調劑既費周章且既顯示以迴避之門即隱導以揣摩之漸于防閑中亦有關係請仍舊例為便秀先上年奉

命會議兩項分卷當時寔為防弊起見今日擊卷數多寡不齊諸多周折不敢迴護悞公下大學士九卿議行四十六年禮部恭擬壬寅年祀

祈穀壇日用次辛

諭曰所議甚多不當天子父天母

地祇承之義不可稍弛從前雍正七年恭奉皇考世宗憲皇帝諭旨以定例正月上辛若在初五日以前則改于次辛但元旦朝賀乃朕躬之禮儀若因此而展祈穀之期于心寔有未安著于上辛行禮煌煌

聖訓寔萬世不刊之論朕御極以來遇正月



漢書卷三十一
初三日以前上辛因必須隔年齋戒是以改用次辛其有初四日上辛亦改用次辛行禮者則因

聖母皇太后祝釐初祉朕于元辰恭率王公大臣拜賀

東朝儀節不容稍闕至明歲正月上辛並非向年可比矣該部何亦改次辛况冬至南郊禮成有於次日受賀者所謂禮緣義起而義以方外尤必敬以直內如爲臣下意在尊君

不敢輕易朝正令典亦當備查往例具奏請旨乃禮部遽行題達何昧昧一至于此所有禮部堂官著交部嚴加議處尋部議秀先應革職

命從寬畱任四十七年四月

常雩

天燈及

更衣渥次陳設不備奉

旨嚴責下部議草任

加恩寬免仍註冊十月因纂輯明臣奏議体例乖舛下部嚴議行

詔免十一月

諭曹秀先不勝摠師傅之任著回原衙門辦事四十九年六月秀先卒

諭曰禮部尚書曹秀先由翰林洊擢正卿曾在尚書房行走教皇子書學問優長奉職勤

慎茲聞溢逝殊為軫惜着加恩晉贈太子太傅其任內降革罰俸處分俱予開復所有應

得恤典仍著該部察例具奏尋

賜祭葬如例諡文恪

吳紹詩列傳 子垣壇附

吳紹詩山東海豐人雍正二年由生員保舉

分刑部學習十二年授七品小京官乾隆二

年丁父憂六年服闋補原官奏請本部以額

外主事用九月累遷至郎中十一月授甘肅

鞏昌府知府十五年遷陝西督糧道十八年

二月總督永常奏紹詩採買兵糈浮銷價值

漢名臣傳卷三十一
三
救草職審究巡撫鍾音鞠係折中造報並未
侵蝕入已但不據寔開銷照將增出錢糧私
下銷補別項例擬罪十九年發單臺効力以
母病納贖回籍二十二年春

上南巡紹詩迎

銜

諭仍以道府用五月授貴州督糧道七月遷
雲南按察使二十四年閏六月疏言兇犯脫
逃承緝官以六個月扣限查叅定有任俸勒

緝按年罰俸令降級晉在處分接緝官以到
任日起限一年不獲罰俸一年卽免續叅查
逃犯年違不獲寔由初叅限內承緝不力接
緝在初限叅滿後自與承緝不同若前官甫
經承緝或以初叅限期未滿卽行去任則接
緝卽與承緝無異往往以處分稍輕緝捕不
力請接緝在二三叅限後者仍照例處分其
初叅未滿及甫報驗者應分定處分以嚴責
成部議承緝官在未滿初叅限內離任接緝

官罰俸一年之外再限一年限滿不獲仍罰俸一年議上從之十二月奏言學政按試各郡有考場作弊及生監詞訟例發提調官承審學政非刑名衙門不諳律例地方官非學政專轄辦理多不認真請嗣後學政批發提調後卽咨督撫提調奉批審明擬議一報明學政一詳解藩臬核轉督撫以免歧玩下部議行二十五年八月調甘肅按察使十二月遷布政使二十六年十二月疏言甘肅駐防

將軍副都統及所屬滿員應給粳米者涼州莊浪均給折色惟寧夏滿營額支粳米千五百七十八石向由寧翔縣採買供支豐歉不一照部價未免派累價外請增又糜帑項請將二縣採買粳米改爲額征分散各戶將應征粟米一石准以粳米七斗抵交
敕寧夏駐防應支粳米與莊涼一體給價無庸改征二十七年閏五月疏言鎮番縣柳林湖前督臣劉於義奏招墾千九百八十餘頃

漢名臣傳卷三十一
歲給老農口食銀五百四十兩並借給牛具
工本籽種自雍正十三年至乾隆四年除扣
還借項分收糧二三萬石至六萬石不等近
自乾隆二十二年至二十六年統五年所收
均勻核算每年僅分京斗糧一萬七千五百
餘石若不立定科則必遞年減少臣查安西
瓜州民種屯田乾隆二十四年督臣楊應琚
奏准照民田陞科納賦柳林湖同一屯田應
一體按則分別改徵糧石照鎮番縣額賦歲

收倉斗糧萬八千一百三十八石二斗零折
京斗二萬五千九百一十一石七斗零較前此
每年分收之數有盈無絀且給照陞科俾成
民產歲省老農口食銀而民世業盡心礪确
悉成沃壤

敕下總督楊應琚等議行二十八年八月廿
州涼州所屬旱紹詩請將張掖永昌鎮番碾
伯高臺五縣城垣並撫燹廳隆德涇州坍塌
城工查修代賑

漢名目傳卷三十一
三十一
三
敕下甘肅巡撫常鈞議行又疏言臨洮道骨
通省驛傳駐蘭州查臨洮府已于乾隆三年
移省城改名蘭州府原府治改名狄道州道
衙尚沿臨洮舊名又洮岷道轄鞏昌府秦階
二州而洮州所岷州皆鞏昌府所屬以廳州
名冠道衙名寔不符請將臨洮道改爲甘肅
驛傳道兼轄蘭州府洮岷隴右道改爲鞏秦
階道下部議行九月丁母憂三十一年正月
服闋擢刑部右侍郎二月授江西巡撫三十

三年二月疏請本年輪免江西漕糧南昌饒
州南康廣信于本年豁免瑞州臨江吉安撫
州建昌贛州改至明歲

詔可先是江西糧艘有屯田以濟運乾隆二
十四年因屯租不敷撫臣阿思哈奏請清查
加收餘租資津貼用後署撫臣明德查勘分
別陞除九江等衛所屯田餘租率徵解不前
至是紹詩奏南昌九江二衛收租過重贛州
袁州鉛山三衛所租重田缺額題請減租部

議令總督高晉詳勘高晉奏原額屯田六千一百二十九頃七十餘畝徵餘租銀十三萬一千五百五十二兩續報瑞昌縣陞科田五十畝徵銀九兩零又勘寔成熟田六千五百九十九頃餘照附近民田科則減銀二萬八百九十六兩零從之十月奏上猶縣營前山場溝流鉄砂堆積壅溪碍民田挹注恐小民爭取滋事臣勘山場廣十餘里每人日得砂百斤約煎鉄五十斤募民給腰牌在溪淘取每

砂百斤給飯銀三分五厘募商設廠收買置灶二座照銅錫十分抽二例納稅由縣解藩庫蓄充地方公用令分駐營前縣丞就近殫歷奏入

報聞是月查審九江關監督舒善侵虧踈縱諭責之三十四年

上聞建昌府知府黃肇隆倚勢妄作

敕紹詩查勘七月紹詩列欵以

聞並及肇隆逢迎布政使揆義事時揆義已

擢湖北巡撫解任來京褫筆隆職

命總督高晉審擬抵罪

諭責紹詩交部嚴加議據部議草任

詔寬免尋擢刑部尚書十月調禮部尚書先是南昌等縣被水紹詩將離任始奏請緩征諭曰災地應緩漕糧事閱間生計吳紹詩何不早爲籌畫即時入告今屆十月之抄州縣征糧已將一月吳紹詩平日全不以民事爲事茲因離任在卽方知更無可諉始以一

奏塞責殊屬非是著交部議處尋部議草職諭曰吳紹詩自簡任巡撫以來于地方政務未能振作有爲恐久益因循貽悞第念其尚無大過又係刑部司員出身於刑名素所諳習是以加恩用爲刑部尚書嗣因任內不能察劾屬員之案屢經發覺是其昏耄無能已可概見豈堪復膺劇任因調禮部尚書或尙可勉供職守昨于南昌等縣緩征漕糧一事不及早入告遲至十月杪始行奏聞全不知

漢名臣傳卷三十一
以民事爲重是以降旨交部議處災地收成
歉薄小民豈能復事輸將封疆大臣如果先
時陳奏朕無不力沛渥恩以紓民力乃吳紹
詩以明知應緩之糧遷延不辦直待開征將
及一月始以一奏塞責是誠何心現在雖已
傳諭速予停緩而該省輾轉施行更需時日
是急公者納糧旣不免拮据而疲窘者徒受
催科之累此皆吳紹詩於閭閻生計漠不關
心有以悞之也吳紹詩近日累經部議降革

並從寬予以前任此則玩現民瘼並非過屬
因公寔難復爲曲貸且其年亦衰老不能復
望其改悔奮勉矣昔宋仁宗於吏部選人坐
失入人罪者卽終身不遷朕今亦倣其意以
事係民生休戚者爲督撫黜陟並爲明白宣
示俾皆曉然於其咎寔自取且使凡爲司牧
者咸知警惕三十五年三月

諭曰吳紹詩向任刑部司員于刑名案件尙
爲諳習著以刑部郎中用三十六年擢刑部

侍郎十一月恭逢

孝聖憲皇后八旬萬壽列香山九老

賜宴及豐貂文騎三十七年調吏部侍郎三

十九年以老病乞休

詔原品致仕四十一年三月

上東巡紹詩于德州迎

銜加尚書銜十月卒

論曰原任吏部侍郎加尚書銜吳紹詩老成

謹慎宣力有年前歲以老病乞休准其回籍

頤養今春東巡時尙能遠出迎銜特晉階以

示優眷方冀其延享遐齡不意遽爾溘逝所

有應得恤典該部察例具奏

賜祭葬如例謚恭定子二長垣由舉人捐郎

中三十五年選兵部

特調刑部三十六年父紹詩擢刑部侍郎

上曰吳垣係特調之員不必迴避三十七年

弟壇內遷刑部侍郎乃調吏部四十年遷監

察御史四十一年丁憂四十三年服闋補原

漢名目傳卷三十一
官轉刑科給事中四十五年四月弟壇遷江
蘇巡撫署吏部郎中壇卒補工科給事中四
十六年轉吏科掌印給事中巡視北城十月
擢鴻臚寺少卿四十七年遷通政司副使四
十八年四月遷光祿寺卿轉太常寺卿五月
擢吏部右侍郎八月署工部左侍郎四十九
年授廣西巡撫五十年正月

詔入

覲預干叟宴調湖北巡撫五十年秋江夏等

州縣旱疏請緩徵平糶募商赴川買米接濟
命將如何招徠勸諭情形確查奏聞九月覆
奏湖北商民赴川買米濟本地民食均許給
照票注明買米若干回日給驗如川商運赴
江浙糶賣路經湖北者四川於稅票內注明
所往省分湖北卽驗放行惟是舟行由宜昌
至黃州經由湖北境千餘里沿途停泊驗放
轉多遲滯臣飭沿江市鎮川商願停泊出糶
者聽其投驗稅票如順流東下不及投驗或

漢名目傳卷三十一
票內未注運何省不得攔阻江浙災區過資
接濟奏入

報聞五十一年卒

諭曰湖北巡撫吳垣自簡任封疆以來操守
謹飭辦事奮勉上年查辦災賑事宜寔心經
理茲聞溘逝深為軫惻所有應得恤典該部
查例具奏

賜祭葬如例次壇乾隆二十六年進士授刑
部主事洊遷郎中三十一年紹詩擢刑部侍郎

郎

上以壇辦事明敏勉力毋庸迴避三十二年
三月授江蘇按察使三十五年遷布政使舊
例蘇州官俸工銀于揚閔解餉及上元江寧
公地雜租項下解蘇州藩庫支給江寧駐防
兵米以丹徒縣衛屯米支給三十六年壇請
將蘇屬俸工歸蘇撥給其原編俸工銀交江
寧藩庫丹徒衛屯米抵支京口蒙古兵糧其
江寧駐防兵米于上元江寧二縣就近截撥

漢名目傳卷三十一
以免江寧蘇州兩布政使輾轉下部議行又
言江蘇省賦甲他省奏銷案內部查款亦較
多每因一欸未清致懸全案請嗣後除向無
專案咨題者仍歸摠案其專案請銷者屆奏
銷事于動撥各欸下注歸某案察核有報銷
案內動用而奏銷報完銀米者于動欸下注
明某案內報完以便察核所有乾隆六年以
後部查未結各欸卽照此辦理以清陳案部
議有專案報銷各欸如所議行向無專案者

亦另立專案報部限五年完結江寧安徽均
畫一辦理三十七年二月擢刑部侍郎十月
命往河南會同巡撫何焜審准寧縣民控知
縣採買私派運費藉虛抵罪二十九年以向
內監高雲從探聽紀載革職交刑部查審擬
罪詳見觀保傳

諭曰吳壇于探聽紀載一事寔不意其竟至
于此但念其辦理刑名尙爲練習若竟于廢
棄未免可惜著加恩以刑部主事用四十年

十月遷郎中十一月

命會同安徽巡撫李質穎查審壽州高克敬
控鄭文頴挾仇陷害案各論罪如律十二月
丁本生母憂四十二年正月服闋補原官四
月

命隨侍郎喀寧阿往審山東東阿知縣浮收
案治監生曲九苞誣控及典史受賄罪四十
四年正月授江南河庫道二年兼江蘇布政
使四十五年四月擢巡撫六月疏言吳縣有

名捐公田萬二千五百畝承種民戶除院地
漕銀米外歲收租息為添補運漕之需乾隆
三十一年撫臣明德奏將每年應征租米二
千二百二十七石遞年抵補吳縣無著錢糧
餘米一千數百石留備地方公用此項既非
正供歉年悉照原額征收自三十二年至四
十三年逋賦一萬九百餘兩查正項錢糧災
緩積欠均沐
殊恩而餘租舊逋轉未邀

卷三十一

恩蠲除恐積久日多益增民累請歸本年

恩蠲案內一体豁免嗣後遇歉年勘明隨征

賦蠲緩

上從之又奏言江河險處舊設救生官船五

十六隻康熙四十七年撫臣于準奏撥漁船

六分泊京口瓜州及謝家莊並置丹陽民田

五百畝名普生莊歲收租息供漁船工食救

生賞項乾隆十四年撫臣雅爾哈喜奏裁船

三十四僅存二十八分撥上元江寧江都丹

徒儀徵江陰靖江山陽清河寶山等處京口

浙江僅留救生船一漁船六查普生莊租息

支有盈餘京口漁船熟習風色練于駕馭請

添募船四月給銀三兩分泊京口瓜州金山

等處

上嘉之八月卒

賜祭葬如例

曹順列傳

曹順四川閬中人由行伍拔外委乾隆三十

曹順四川閬中人由行伍拔外委乾隆三十

二年隨征蠻獠有功拔把總三十六年將軍
溫福調征金川以功授千總三十七年七月
大兵攻固卜濟山梁賊柵二阻木蘭垵路順
隨溫福赴固卜濟山下賊迎拒官兵攻之賊
匿柵內發鎗石有賊目寔出南門順斬之奪
門焚柵痛殲逸賊焚斃者百餘獲刀鎗衣物
無筭下部議敘尋遷貴州興化營守備十一
月
賞戴孔雀翎遷四川松潘右營都司十二月

溫福等攻明郭宗由木雅山至木爾古魯山
麓奪賊寨卡進據嘉巴

上以順隨營打仗奮勉出力

賞扎親巴圖魯號三十八年三月順偕頭等

侍衛烏什哈達帶兵至與噶拉會攻昔嶺順

與司嚮托爾托保領瓦寺鄂克什士兵先逼

卡殺賊匪數十

諭曰都司曹順及司嚮托爾托保奮勇殺賊

寔為可嘉著賞緞二疋閏三月攻昔嶺第五

漢各目傳卷三十一
碩順與副都統巴朗普爾普等分兵擊登滿
內伏賊突拒斬賊目順面中石傷八月遷山
東壽張營遊擊三十九年遷湖南澧州營叅
將四十年二月將軍阿桂奏順手殲賊領土
兵打仗奮勇

詔授湖南衡州協副將四月阿桂籌攻宜喜
同日先攻木思工噶克及得式梯使賊不暇
接應令書麟等攻木思工噶克了口礮卡羣
尼正面礮賊齊赴援順攻峯右礮克之官兵

由康薩爾進據了口山峯賊悉力拒一日內
退而復進者七順與三等侍衛穆哈納等擊
斃賊遂克擦庸礮寨及附近木柵石卡我兵
復由舍圖柱卡分道斷賊榮噶爾博山後路
順領土兵循山場進放鎗縱火與叅贊大臣
豐昇額兵犄角進賊不能支穴寨後竄順擊
斃之餘皆墜箐死克石礮十二平房七遂摠
遜克爾宗


諭曰曹順屢次出力自應格外加恩著傳諭

阿桂軍營總兵缺出奏請補授十月擢甘肅
肅州總兵閏十月攻西里山麓黃草坪順奮
勇騎木柵射殪賊十餘麾兵進攻暗中鎗陣
亡
諭曰曹順自調赴軍營以來節次勦殺賊眾
無不奮勇爭先著有勞績是以屢次擢至總
兵今因攻克黃草坪礮卡先登奮戰受傷陣
亡深為憫惜著交該部查照李全之例給與
應得恤典仍入祀昭忠祠並著該員本籍督

撫查明曹順之子現年若干先行奏聞俟其

報閱後即行送部引見四十一年金川平

命圖形



紫光閣

贊曰始由偏裨洊至總戎騎牆殺賊受

傷捐躬賞延於世為之惜悼季世朱門歌舞

以笑子子元襲騎都尉又一雲騎尉現官甘

肅花馬池營叅將

漢名臣傳卷三十一終

天

